

# EGOITZA RESIDENCIA

Artistentzako egoitza deialdia, 2025

**Artium Museoa / Zas Kultur**

**ARTIUM  
MUSEOA**

Euskal Herriko Arte Garaikidearen Museoa  
Museo de Arte Contemporáneo del País Vasco



**ZASKULTUR**

# Arte-egoitza deialdia

## Artium Museoa – Zas Kultur 2025

Artium Museoak eta Zas Kultur espazioak arte-egoitza deialdi bat abiatu dute, Arabarekin nolabaiteko loturaren bat duten artistei zuzendua, arte-sorkuntza garaikidea sustatzeko helburuarekin.

Deialdi hau hainbaten arteko lan-eremu batean proiekturen bat garatu nahi duten 35 urtera bitarteko artistei zuzenduta dago, zeinei eskainiko baitziaie museoko eta espazioko lantaldeen laguntza profesionala.

Deialdi honek ikusgaitasun-espazio berri bat eman nahi dio Arabako Lurralde Historikoko artearen testuinguruari, sorkuntza garaikidea eta proposamen-artistikoen ikusgarritasuna bultzatuz.

-----

## Nori zuzenduta dago?

**Praktika garaikideekin lotutako diziplina orotako artistak aurkez daitezke deialdi honetara, betiere honako baldintza hauek betetzen badituzte:**

- Arabako lurralde historikoan jaio izana, bertan bizitzea edo bertan garatzen den sorkuntza-lana sortzea.
- 35 urte edo gutxiago edukitzea eskaera egiten den unean.
- Proposamen original eta argitaragabe bat izatea, egoitzaren markoan garatzeko modukoa.
- Ezarritako epean (2025eko uztailaren 21etik abuztuaren 31ra) proiektua garatzeko aukera izatea.
- Kolektiboek eta taldeek ere parte har dezakete, taldekide orok aurreko baldintza guztiak betetzen baditu, betiere.

## Zer eskaintzen da?

**Egoitzak eskaintzen duen lan-eremuan, laguntza, baliabide teknikoak eta ikusgaitasuna uztartzen dira.**

- Ordainsaria: 1.500 €, gordin.
- Ekoizpenerako eta dietetarako laguntza: 500 €.
- Artium Museoko lan-espazio baterako sarbidea, bai eta museoaren eta Zas Kulturen teknikarien laguntza ere, proiektuaren behar espezifikoaren arabera.
- Proiektuaren aurkezpen publikoa, 2025eko irailaren 1etik 12ra bitarteko epean.

## Aurkeztu beharreko dokumentazioa

**Deialdian parte hartu nahi dutenek honako dokumentazio hau bidali behar dute, PDF artxibo bakarrean jasota:**

- Biografia laburra (gehienez 1.000 karaktere, zuriuneekin).
- Aurreko lanen txostena (gehienez 10 orrialde).

- Egonaldian garatuko den proiektuaren proposamena eta horren ikusgaitasunari dagokiona (gehienez 2.000 karaktere, zuriuneekin).
- Gutxi gorabeherako lan-egutegia.
- Eskatzailea Araban jaio dela edo bertan bizi dela egiaztatzen duen agiria.
- NANaren edo identifikazio-dokumentuaren kopia.

## Data garrantzitsuak

### Deialdiaren argitalpena: Asteartea, 2025eko ekainak 3

- Deialdiak aurkezteko epea: 2025eko ekainaren 3tik ekainaren 30era (barne)
- Deialdiaren ebazpena: ostirala, 2025eko uztailak 10
- Egonaldi artistikoa: Gehienez lau aste, 2025eko uztailaren 21etik abuztuaren 31ra
- Emaitzaren aurkezpen publikoa: 2025eko irailaren 1etik 5era edo 8tik 12ra.

Proiektua aurkeztu eta 30 eguneko epean, gehienez, proiektuaren azken memoria aurkeztuko da.

Deialdiaren ebazpena honako bide hauetatik jakinaraziko da: Artium Museoaren eta Zas Kulturaren webguneetan, sare sozialetan edo proiektua aurkezteko erabilitako mezu elektronikoei erantzunez.

Proposamena aukeratu ostean, artista egoiliarak eta antolakuntzak elkarrekin finkatuko dute egonaldiaren behin betiko egutegia.

Proiektua ikusgai jartzeko modua, berriz, bi espazioetako ordezkariekin finkatuko da, formatuaren harira ados jarrita.

## Aukeraketa-irizpideak

- Proiektuaren kalitatea eta berritasuna: gehienez 10 puntu.
- Proposamenaren bideragarritasuna: gehienez 10 puntu.
- Arte-ibilbidea: gehienez 10 puntu.

Epaimahaia Artium Museoko eta Zas Kultureko arlo artistikoko, akademikoko eta teknikoko langileek osatuko dute.

## Nola bidali eskaerak

Eskaerak posta elektronikoz bidali behar dira, [deialdiak@artium.eus](mailto:deialdiak@artium.eus) / [espaciozas@gmail.com](mailto:espaciozas@gmail.com) helbideetara, gaian hau jarrita: “Artium-Museoa-Zas Kultur egoitza-deialdia 2025”.

Dokumentu guztiak PDF fitxategi bakar batean bildu behar dira.

Artium Museoak eta Zas Kulturek egoiliarren eskura jarriko dituzte beren ohiko komunikazio-kanalak (sare sozialak, komunikabideak, webgunea), proiektua eta aurkezpena zabaltzeko helburuz.

## Egile-eskubideak eta proiektuaren zabalkundea

Deialdi honen baitan garatzen diren proiektuen egile-eskubideak proiektuaren sortzailearen edo sortzaileen jabetzakoak izango dira une oro. Hala eta guztiz ere, Artium Museoak eta Zas Kulturek beretzat gordetzen dute prozesuko irudiak, horri buruzko informazioa eta dokumentazioa erabiltzeko eskubidea, betiere komunikaziorako, artxiborako edo zabalkunde instituzionalerako; egilea nor den aipatuko da beti, eta artista edo kolektibo egoiliarrekin adostu diren erabilerak gordeko dira.

Adostu denaz aparteko erabilerarik egin nahi bada, proiektuaren eskubideen jabe den pertsonaren edo kolektiboaren berariazko baimena jaso beharko da.

## Oinarriak onartzea

Deialdi honetan parte hartzeak berekin dakar honako oinarri hauek bete-betean onartzea, bai eta antolakuntzak prozesua egoki kudeatzeko hartzen dituen erabakiak onartzea ere. Oinarri hauetan aurreikusten ez den alderdi oro antolakuntza-taldeak ebatziko du.

Galderarik izanez gero, idatzi goian aipatutako helbide elektronikoetara.